


後山集

四六



漢書門			
三	四	七	三
九	六	三	號
七	三	六	冊架函

內閣文庫		
三	三	漢
五	四	書
函	七	
二	三	
冊架	號	類

內閣文庫		
番號	漢	3473
冊數	7	(2)
函號	315	94



當四番前部甲士趙身元才不備

部將李

後山先生集卷第四

詩

春夜

已下任別本七卷



宿鳥一枝足爭林終日鳴庭花當戶發江月向人
明鳥度清溪影風回晚市聲夢中無好語池草為
誰生

和三日

苦遭年少強追陪病眼看花更覆杯夾岸萬人傾
國出清江一注兩山開遊人欲盡驚鷗下晚日猶
須惡雨催更恐明年有離別折花臨水共徘徊

登燕子樓

淺草文庫



綠暗連村柳紅明委地花盡梁初著燕廢沼已鳴
蛙鷗沒輕春水舟橫著淺沙相逢千歲語猶說一
枝花

和魏衍三日

林花女頰紅春水瓜頭綠步蹇我三休來同君一
足苦嗟所歷小不盡千里目暮景向昏鴉歸塗取
脩竹

其二

堤沙泥盡未及塵江波不動風生紋虎頭魚尾不
知數朱旗一點來奔雲春容已老有餘態枝襖雖
古無前聞踏青摸石脩祕祝落日帶雨催行人聽

詩對月兩不厭頗覺過目徒紛紛君不見天寶杜
陵翁屈宋才堪作近鄰

答魏衍惠朱櫻

開門先得故人書稍喜提携起覆盂得句有誰知
我在嘗新此日賴吾徒傾籃的皪霑朝露出袖熒
煌得寶珠會薦瑛盤驚一座覓腸藜口未良圖

和魏衍聞鶯

春力著人朝睡重葉底黃鸝鳴自送綠幕朱欄日
觀明回廊側戶風簾動昨夜春回到寒谷好鳥飛
來把脩竹整翰屬觜初一鳴已落君詩專妙獨退
紅著綠春事殘後時獨立如何言側聽不盡已飛

去懷抱此時誰與論

和黃克實春盡遊南山

逐勝缺勇功。餞春無少色。出門欲何向。坂九隨所
擊。百年餘幾何。十步復一息。同來二三子。楚楚頗
脩飭。行前強老夫。徑捷疲峻陟。山門開烟霏。禪房
閉岑寂。口燥沾茗椀。久厄此為德。逐日下西山。草
路荒不識。回溪轉鉤曲。門徑入繩直。故人喜領客。
內愧積腸臆。所來為親舊。掃除稱寥閔。疾風無未
勢。過雨有餘瀝。高花初欲然。平荷已如拭。因君感
衰盛。醜好移頃刻。交新厭區區。話舊聽歷歷。談間
十一二。四座已傾側。茅屋漏一作濕風霜。山田帶沙

礫尚能哀此老。舉手觸四塞。君如澗底松。超拔出
天壁。學詩有新功。黃魏共推激。生與魏衍黃預游

棟花

密葉已成蔭。高花初著枝。幽香不自好。寒艷未多
知。會見垂金彈。聊容折紫綫。粉身非所恨。猶復得
聞思。

和黃克實石榴花

春去花隨盡。紅榴暖欲然。後時何所恨。處獨不祈
憐。葉葉自相偶。重重久更鮮。流珠沾暑雨。改色淡
朝烟。著子專寒酒。移根擅化權。愧非無價手。刻畫
竟難傳。

和黃預久雨

甲子仍逢夏連朝雨脚垂黑雲玄甲駐鐵騎冷官
馳映日還蒙霧懸麻却散絲頽墻通犬豕破柱出
蛟螭野潤風光秀涼生枕席宜撥雲開日月巽井
出虹蜺貧可留須捷恩當記爽屐蒼頭行冒雨赤
脚出衝泥詩好聲生吻書工手著胝衰年得佳句
懷抱頓能移

和黃預病起

似聞藥病已投機牛鬪蛇妖頓覺非李賀固知當
得疾沈侯可更不勝衣驚逢白壁山千仞會見黃
金帶十圍只信詩書端作祟敦知糠覈亦能肥

何郎中出示黃公草書四首

龍蛇起伏筆無前江漢淵回語更妍好事元須一
賞足藏家不必萬人傳

此詩此字有誰知畫省郎官自崛竒罪大從來身

萬里政成今有一作麥三岐

四海聲名何水曹新詩舊德自相高一官早要稱

三字二鬚何須一作誰教著兩毛

當年闕里與論詩晚歲江山斷夢思妙手不為平

世用高懷猶有故人知

和黃預感懷

壁立無堪佐子貧謾修簡牒效慇懃起臨月鏡看

紘

生意卧向晴簷共白雲逸氣不應供潦倒劇談脫
或致紛紜但令蘇晉禪妨醉不患何山病破葦

陳留市隱者 有別

陳留人物後疑有隱屠耕斯人豈其徒滿腹一杯
羹婷婷小家子與翁同醉醒薄暮行且歌問之諱
姓名子豈達者歟藹竹聊一鳴老生何所因稍稍
聲過情閉門十日雨吟作飢鶩聲詩書工發家刀
蕭得養生飛走不同穴孔突不暇黔 一作聖有不
暖席接浙去

寄泰州曾侍郎 兼

八年門第故違離千里河山費夢思淮海風濤 作一

流真有道麒麟圖畫豈無時今朝有客傳河尹是
處逢人說項斯三徑未成心已具世間惟有白鷗
知

答顏生見寄

闕然車馬不聞音行路艱危已備更問舍求田真
得計臨流擬石有餘清江山滿目開新卷章杜諸
人得細評閑處著身容我老忙中見記識君情

和黃預七夕

盈盈一水不斯須經歲相過自作 一作自踈坐待翔
禽報佳會徑須飛雨洗香車超騰水部陳篇上收
拾愚溪作賦餘信有神仙足官府我寧辛苦守殘

書

贈鄭戶部

十載歸來遼海東。江山如舊里間空。時平未覺身
難遇。學贍依然說不窮。著繡書行真細事。下車磬
折得深衷。聖朝未有徐州相。刺作功名跨數公。世

青州王相僕州李相而吾州自開國至今才有劉李二公為執政爾

九日不出魏衍見過

九日登臨迫閉藏。老懷無限自淒涼。山頭落帽風
流絕。壁面稱詩語笑香。南山有二衝雨肯來尋此
老。拂床聊待熟黃梁。獨無尊酒為君壽。正使秋花
未肯黃。是日無菊

送魏衍移沛

積雨斷行路。重江未安流。胡為冒艱險。迫此帛米
謀。歲晏風作橫。未寬為子憂。卒然託異縣。所得如
所求。主人如古人。待士禮亦優。人情樂新知。豈不
懷舊丘。我貧無四壁。愛爾胡能留。子也尚不容。吾
代諸公羞。勿云百里遠。已作千山愁。念子捨我去。
誰復從我遊。諸石吾未識。因子卜可。不能此已可。
尚一作喜終焉致綢繆。

送河間呂令

子回甥

今日中年令。當年太守孫。獨能憐此老。肯避席為
門。寒日風濤壯。邊城簿領繁。平生子曾子。白首得

重論

次韻何子温祈晴

夜半風回雨脚收萬家和氣與雲遊一作蕭條寒

巷荒三徑突兀晴空聳二樓勝日登臨輕一醉下

鄉昏墊肯同憂江空峽響魚龍冷一作盡放青青

極目秋

其二

九虎當關信不傳燒烟才上已回天驅除霧雨還

朝一作晴日畜縮濤波復二川奪目光華開秀句堆

塲蒿枯驗豐年從今更上中和頌少費將軍九萬

牋

寄潭州張芸叟

湖嶺一都會西南更上游秋盤堆鴨脚春味薦猫

頭宣室來何暮蒸池得借一作得惜留孰知為郡樂莫

作越鄉憂

去國如前日為邦得舊游霜柑先落手春鴈幾回

頭只道風沙惡寧知賈宋留賦詩真有助吊古不

同憂

送曹秀才

甲第衣冠後東遷歲月侵情親期一諾急病闕千

金孰並還家樂毋忘在莒心時能記衰病聲迹到

雲林

送王元均貶衡州無寄元龍

先生英氣蓋區中，命與仇謀得老窮。又見長身有家法，可辭短簿怒吾公。石頭路滑行能速，宣室歸來語未終。宛洛風塵莫回首，直須留眼送歸鴻。

其二

先生秀句滿天東，二子緣渠再得窮。詩禮尚來堪發冢，孫劉能使不為公。炎方瘴癘避軒豁，故國山河開始終。傳語元龍要相識，江湖春動有來鴻。

亦謫金陵

杜侍郎挽詞

已下仕詞卷八卷

美政真吾母，名家更杜陵。于張從昔少，魯衛至今

弟八

稱絲竹中年好，詞華夙世能。周南棠棣傳，平世幾人登。

其二

驥駉方懷遠，松筠忽有秋。雍容名士數，終始法家流。凜凜驚千載，堂堂闕一丘。能令羊季子，不肯過西州。

其三

身去風流在人難，玉石分平生才一見。治行已多聞，更覺知音少。還修地下文，他年九原淚。仍是兩馮君。

黃預挽詞

敏慧仍江夏風流更妙年貧焚酒家券病得里胥
錢精爽來鷹隼清明瀉澗瀝無兒傳素業有淚徹
黃泉

其一

骨秀神仙數詩清雅頌才識高懸日月韻勝絕塵
埃去就堪同事摧殘盡一哀了知天上去不似世
間來

其三

志大期千里身宜置一丘英詞真蓋世爽氣已橫
秋地要黃金骨天成白玉樓平生斲泥手斤斧恐
長休

其四

玉筋凝潮後緩桐藝業餘遠途憎早悟曠度得中
踈子逝今何處吾生孰與居豈無文士傳未有茂
陵書

秋懷

積雨不受暑既晴還得秋未免困河魚寧如喘吳
牛風梧有先聲巢燕無後留人生行樂爾一經今
白頭

其二

小雨斷復續回斜落晚風寒心生蟋蟀秋色傍梧
桐草與遙山碧花欺晚照紅口須談世事目已失

飛鴻

其三

山斷開平野，河回殺急流。登臨湏向夕，風雨更宜秋。急急後飛鴈，翩翩不下鷗。晚舟猶小待，莫雀已深投。

其四

梨埒當千戶，魚防擁萬頭。寧湏一網盡，不為百人留。密雨點急水，驚風擘繫舟。百年供轉徙，因病得夷猶。

送法寶禪師

平生夫鐵脚，道價喧宇宙。望禮東南雲，吾今獨何

後晚始識其子瑤，林一枝秀初聞飲光笑。復作空生瘦，今年退後禪。袖手不肯又真成，菩薩魔未免。化城咎白月，懸清光大鐘。得辭扣知止，一何勇隨緣。豈無復豐臺兩禪子，三請期一覲。翩然挈餅盂，百里往相就。古寺風雨餘，觸目初邂逅。夙昔有淨緣，歡然宛如舊。教我早自異，業成誰得救。世故已備嘗，躊躇復何候。鑽火勿停手，時來自渠透。慇懃禮白足，吾為泰山溜。

贈趙奉議

為惠不必廣，但問與者誰。受施何用多，名義以為資。平生師友間，四海寥寥師。一窮無四壁，百代有

千詩再逐越淮江。三年魯中歸。初無贊公色。不異
淨名衣。才如得風鷁。已復觸藩羝。路貧誰肯憐。語
妙君所知。我往立談間。炊若白受緇。乃知仁者聽。
不待辛苦詞。趙侯名教士。勁氣噴長霓。論吐天下
公。而合吾所私。明窓弄文墨。妍語含英姿。要與識
者論。且避羣兒癡。舊好無新功。終年此交綏。未頃
堅百戰。當即建降旗。

元日雪

半夜風如許。平明雪皓然。簾疎穿瑣細。竹壓更嬾
娟。窘兔走留迹。飢鳥鳴乞憐。遙忻炎海上。還復得
新年。

其二

度臘閱三白。開正還積陰。炊烟茅舍濕。噪雀暮枝
深。短髮千方誤。中年萬里心。成書著巖穴。或有後
人尋。闕三白作

次韻黃生

入竹投窓夜有聲。似違殘臘作初正。三更爽氣侵
危坐。萬里回風逼發生。呵筆小吟撩我老。閉門高
卧見君情。只今剩作驚人句。頗覺吟邊意未平。

答黃生

冰泥斷道雪塞門。遠坊累日無行人。卧聞喧呼誰
叫閤。稚子往問鹿駭奔。黃生學詩用角一作力新急

手疾口如翻盆衝風踏凍送七言要令寒屋回春
温是時積陰又黃昏叫鬧索火驚四鄰邇來結字
穩且勻豈不見我參寥老嗟吾老矣心尚存後來
得子空馬羣徑須赤手縛麒麟四大海水一口吞
丈夫意氣抗浮雲道逢其人兩手分妬婦拊膺王
右軍

雪後

送往開新雪又晴故留臘白待春青稍回松色伸
梅怨併得朝看與夜聽已覺庭泥生馬鳥一作迹遽
修田事帶朝星莫年功力歸持律不是騷人故獨
醒

送張蘄縣

接祿才餘歲為邦近故園案圖三萬戶鎮靜五千
言雪盡春泥滑風生沙水昏猶須放琴客坐席稍
能温

送何子温移亳州

治出龍城守名高水部郎清明人共識風味獨難
忘骨立秦書瘦鬚粘檜蜜香烹鮮師老耳曳尾肯
蒙莊

其二

青衿曾誦賦皓首始登門意得寧論晚心交不待
言向來期北上可復改南轅嘗請湖越而得毫盡地數佳

政叢談何處村

其三

復作中年別，仍懷後日憂。
關山遮極目，汴泗只東流。
政好遭頻借，詩清得暗投。
會看靈壽杖，扶出富民侯。

送詹司業

學舍論交二十年，白頭相對固依然。
才難孰為吾君惜，果滿寧容我輩先。
熟路長驅聊緩步，百全一發不虛弦。
故懷未盡還成別，飽慣人間不更憐。

西郊

紅綠相催春事闌，可能無意待人看。
不因送客那

能出衰病經年一擷鞍，攢眉斂目抵風沙。
暗度城西十里花，歷肆側聽長短。
向綠溪斜普兩三家。

寄亳州何郎中

西南日下共浮雲，人事離羣喜勸分。
已度城陰先得句，不應從俗未忘葷。
松篁有節元宜晚，桃李無蹊只自薰。
欲入帝城湏帝力，且尋詩社著詩勳。

其二

西原追送未成旬，赫赫傳聲已迫人。
刺欲鈔詩寄來使，尚能拂席致嘉賓。
孰知簡易歸劉向，誰使循良作寇恂。
他日入東專一壑，少留餘地許為鄰。

寄荅秦州曾侍郎

千里馳詩慰別離，詩來吟詠轉悲思。
靜中取適庸非計，林下相從會有時。
生理只今那得說，交情從昔見於斯。
含毫欲下還休去，懷抱何由得細知。

送提刑李學士移使東路

襟抱從前相向開，倡酬于此未多陪。
身更寵辱談彌勝，路別東西意自哀。
隱几忘言終不近，白頭青簡兩相催。
孰知衰老難為別，聲問應須續續來。

和鄭戶部寶集文室

遠遊遊則遠，安心心已安。
茅茨更何事，一坐五年寬。
客來問法要，示以無所還。
勿云空生默，聽者不

勝言

其二

貴有空王章，貧無置錫地。
衝風窓自語，浣壁蟲成字。
向隅有知音，闔門接強對。
只道庭前栢，西來本無意。

隱者郊居

高齋繚繞度雙溝，老氣軒昂蓋九州。
不為江山開悒快，正緣風味得淹留。
招携好客供談笑，拆補新詩擬獻酬。
小摘自鋤稀菜甲，旁觀虛作不堪憂。

覽勝亭

斷岸通橫水，吹花滿繫船。
中年擅幽獨，輟食買林

泉草木真宜主江山故作妍升沉有流轉且復賦
歸田

何大冲挽詞

課最三川守名成萬石君平生欠一識聲烈即多
聞堯率真歸處琴臺只斷雲傷心今夜月忍便到
初墳

其二

哀挽諸儒競豐碑故吏繁素車紛雨泣丹旌與風
翻幾地留遺愛他年作九原涕流者舊盡不獨為
鄉園

送大兄無寄趙團練

貧有分離苦官無早晚宜又為千里別未覺十年
遲日與江山遠風連草木悲平生劉子政見可只

一作
共論詩

寄襄州程大夫

中年為吏晚專城不獨身榮府亦榮江漢風流見
羊杜相門經術有韋平十年一別音書絕萬里相
看骨肉情今代龐公入城府定將懸榻與逢迎

送檢法趙奉議

三歲公門不屢過作牋時得問如何及茲去去翻
為恨向使常常肯謂多勇銳閉房猶著酒切深疾
惡反傷和贈言竊取仁人號善聽君居長者科

送建州鄭戶部

清江畫舸照新晴。鏡鼓喧喧聒市鳴。昔日布衣今
著繡。他年鶴化只空城。還朝不待三年最。得郡何
妨萬里行。歲祿二千親八十。世間誰有此時榮。

送張秀才

學又三年積功收。一日長擅場推老手。附尾得一作
續諸郎度鳥界。晴碧過雲回夕黃。孰知詩有驗。莫
愠路無糧。

後山先生集卷第四

後山先生集卷第五

詩

晁無咎畫山水扇

已下在例本九卷

前身

一作生

阮始平。今代王摩詰。偃屈蓋。代氣萬里

入方尺。朽老詩作妙。險絕天與力。君不見杜陵老

翁語。湘娥增悲真宰泣。

奉陪趙大夫遊栢山

後水喧江落。渾黃晚雲障。日作微涼。笙歌聲裏旌
旗動。羅綺叢中語笑香。勸相秋郊開稔熟。摩挲苔
壁吊荒亡。風流一代今山簡。有底尊前著葛強。

寄曹州晁大夫

東方千騎貴當年白髮居頭也自賢肯費精神修
客主稍回功譽入章篇虛名不救空一作賜厄晚
歲仍遭末疾纏死去不為天下惜鏡中當有故人
憐

送馮翊朱令

三楚風流信有人先聲今已徹咸秦寧為鷄口官
無小欲試牛刀久要新細助卧沙勤下筋長芒刺
眼莫露脣山西一作豪傑知吾老為說猶堪舉萬
鈞

嗟哉行

張生服石為石奴下潦上乾如渴鳥一朝債蹶須

人扶伏毒未動風出虛此生所得與昔殊韓子作
志還自屠白笑未竟人復吁以身濟欲未必愚欲
久而速反所圖嗟哉偉然二大夫

夜句

過雨作秋清歸雲放月明入簾搖竹影塞耳落洪
聲

其二

老樹仍孤秀秋蟾只獨明何須夜來雨却聽枕前
聲

其三

短短長長柳三三五五星斷雲當極目不盡遠峯

青。

送孝忠落解南歸

孝忠后山兄子

妙年失手未須恨。白璧深藏可自妍。短髮我今能
種種。晚粧他日看娟娟。千金市帚寧論價。萬戶分
封信。有年清白傳家有如此。歸途寒盡不留錢。

寄單州張朝請

平生天上張公子。尚記門間半面人。聲烈與風來
不盡。音書無使去難頻。一言悞主心猶壯。百巧成
窮髮自新聞。說監河收貸粟。定傾東海活窮鱗。

謝憲臺趙史惠米

平生忍欲今忍貧。閉口逢人不少陳。俸薄身清趙

都史也能作意向詩人

和趙大夫鹿鳴燕集

趙侯詩律近風騷。雅意推賢答聖朝。鴻鴈著行過
渭水。鳳凰覽德下虞韶。三千著籍今為盛。九萬論
程不作遙。不讀世書談世事。卧看君自致青霄。

和朱智叔鹿鳴席上

三楚風流秀士林。英詞從昔動脩門。充庭初識蒼
龍礎。賜醴行霑白獸樽。已上薦書輕一鶚。更憑詩
力化羣鯤。千年遼鶴空城郭。誰見朱公有異孫。
漢大

司空朱泚
蕭人也

酬智叔見贈

老去斯文不更論，却因夫子話師門。
清談不待傾三語，勝日何知共一樽。
逐北我方填坎井，圖南誰得料鵬鯤。
過逢為說侯芭在，卧揖生衣犢有孫。

再酬

鄉里衣冠不絕人，近天尺五只清門。
論文正可簪雙筆，澆舌行看賜上樽。
瓊玖每蒙先木李，蜩鳩方共笑飛鯤。
固知賢傑當傳世，下里朱陳亦有孫。

敬酬智叔三賜之辱，無戲揚理曹二首

龍爭虎擲竟成塵，只有青樓與白門。
青樓，謂燕宰才高先得句，使君情重數開樽。
江山故國難留鶴，科斗荒池可著鯤。
直使頷鬚渾作白，未應投鑷

恍諸孫

智叔有數白髮詩

險韻瘦詞費討論，真持布鼓過雷門。
更看九日臺頭句，未用三人月下樽。
鏡裏黃花明白髮，海邊赤脚踏長鯤。
從來相戒莫打鴨，可打鴛鴦最後孫。

酬智叔見戲

百念皆空習尚存，稍脩香火踏空門。
搥腰摩腹非春事，割愛撥閑覆上樽。
白髮情多猶可染，來詩有白髮之數驂鸞。
盡却乘鯤上界紛紛是官府，也容河鼓過天孫。

其二

雨花風葉未宜春，私柳官渠白下門。
每度清溪朝

短髮時容使席近芳樽雄蜂雌蝶元非偶野馬遊
塵不佐鯤若許成功當封賞制事具李待請看子子
與孫孫

送智叔令咸平

二謝將能事重陽只故臺固須衝節去便恐帶秋
回敏捷才無盡鋪張意有開猶須記衰疾書與鴈
同來

九月九日夜雨留智叔

騎臺九日登臨處只有歸人醉扶路千年二謝孰
可代我每苦留君只去花粗且為前人惜曲誤不
解丞卿怒只消暑帽受西風不待風流到新句

九月九日與智叔鵬堂宴集夜歸

鵬堂從昔有惡客酒盡不去仍復索欲留歌舞盡
客意風雨和更作三厄佳辰難得客更難我窮無
酒為君歡只欲泥行過白下萬一簾疎見一斑

城南夜歸寄趙大夫

書生作意一斑足杜陵撿鞍兩眼寒風雨喚人歸
去好免教街吏報平安

戲寇君二首

杜老秋來眼更寒蹇驢無復遂金鞍南鄰却有新
歌舞借與詩人一面看

南鄰歌舞隔牆聽想對朝窓暈倒清莫望喚人看

婀娜只憑幽夢寄丁寧

絕句四首

秋床歸卧不緣愁。病與衰謀作老仇。數樹直青能
爾瘦。一軒殘照為誰留。
芒鞋竹杖最關身。散髮披衣不待人。三兩作鄰堪
共話。五千挿架未為貧。
昏昏嗜睡元非病。續續題詩不耐閑。作意買山還
得笑。多方拔白却成斑。
書當快意讀易盡。客有可人期不來。世事相違每
如此。好懷百歲幾回開。

騎驢二首

復作騎驢不跨驢。此生斷酒未須扶。獨無錦里驚
人句。也得梁園畫作圖。
衝籬突市不逡巡。掠面驚風撲眼塵。出手推敲寧
避尹。題門吟詠不逢人。

壽安縣君挽詞

兩大推平日。三從播後聲。憂勤登上壽。蕭鼓閉佳
城。總布千人從。松楸十里行。哀榮動鄰里。點筆競
諸生。

寄曹州晁大夫

隨絮隨風花作塵。黃樓桃李不成春。只今容有名
駒子。困倚闌干一欠伸。

寄題披雲樓

使君高會答清秋。增飾披雲作勝遊。九日再逢堪
一笑。終朝百過更深憂。落霞孤鶩知才盡。踈雨微
雲怯語。遵賓主。縱賢終少在。只今未可壓黃樓。

絕句

木搖電繞雷取龍。伏蛙號蚓海瀆空。黑雲黃槐度
白鳥。映日急雨回斜風。

寄黃克

俗子推不去。可人費招呼。世事每如此。我生亦何
娛。黃生後來秀。純茂靜者徒。不見動經月。來亦不
須臾。人事已好乖。可復自作踈。子雖向人懶。勝處

不可孤。追此田事休。仍當秋一作寒雨餘。深知阻泥
濘。步履意何如。

寄張大夫

只應青眼老尚記。白頭翁一別。今何向。三年信不
通。不應書字倦。未有北來鴻。肯作彭城守。何時馬
首東。

懷遠

任淵注云此詩屬東坡

海外三年謫。天南萬里行。生前只為累。身後更須
名。未有平安報。空懷故舊情。斯人有如此。無復涕
縱橫。

答田生

酒亦有何好。人今未肯忘。苟無愁可解。何必醉為鄉。賸欲論奇字。終能諱秘方。直饒肌骨秀。正要畫眉長。

早起

鄰雞接響作三鳴。殘點連聲殺五更。寒氣挾霜侵敗絮。賓鴻將子度微明。有家無食惟一作高枕。百巧千窮只短檠。翰墨日踈身日遠。世間安得尚虛名。

和黃充小雪

度臘侵春亦未遲。紛紛款款意猶微。霑衣帶潤元無見。著物還消不待晞。賸欲打牕連夜聽。未須迷

才十

鴈斷行飛。老來才盡無新語。只欲煩君急手揮。帶

一作自濕

寄張學士

舜民 已下仕制李十六

湖海三年別。譙徐一日間。經時猶未見。凡事信多艱。理極那須說。情生不自還。從來闕聲問。相見若為顏。

謝趙使君送烏薪

欲落未落雪。近人將盡不盡冬。壓春風。枝冰瓦有去鳥。遠坊窮巷無來人。忽聞叩門聲。遽速驚雞透籬犬。升屋使君傳教賜薪炭。妓圍那解思寒谷。老身曲直不足云。冷窻凍壁作春溫。定知和氣家家

到不獨先生雪塞門一作席

雪中寄魏衍

薄薄初經眼輝輝已映空融泥還結凍落木復沾
叢意在千山表情生一念中遙知吟榻上不道絮
因風

送澶州錄曹宋參軍

宦遊男子事訪別故人情能吏于今少春風及此
行英雄餘戰伐犴獄寄廉平未肯輕衰疾人來闕
寄聲

和范教授同遊桓山

送客尋山已自仙行談坐笑復忘年平郊走馬斜

陽裏破屋傳杯積水邊洗壁留名題歲月一作題

月登高著句記山川風流幕下諸公子縮手吟邊

更覺賢

早春

度臘不成雪迎年遽得春水開還舊綠魚喜躍脩
鱗柳及年年發愁隨日日新老懷吾自異不是故
遠人

徐僊書

徐清字靜之蓬萊女官也下西里王氏詩作謝
體書效黃魯直妍妙可喜敬作三絕句
蓬壺仙子補天手筆妙詩清萬世功肯學黃家元

祐脚信知人厄匪天窮

詩成已作客兒語筆下選為魯直書豈是神仙未

賢聖不隨時事向人踈

金華牧羊小家子西真攘桃何代兒詩著海山書

落瓜向來何那一作免世人疑

寄酬咸平朱宣德智叔

冥冥超世網蔚蔚秀儒林他日熟看面今時初得
心白頭無故意異代有同音短綆徒施巧終然莫
汲深

咸平讀書堂

昔人三百篇善世已有餘後生守章句不足供囁

嚅一登吏部選筆硯隨掃除閉閣畫眉嫵隔屋聞
歌呼奉公用漢律寧復要詩書俛首出跨下在此
七尺軀今代陶朱公不作大梁屠計然特未用意
得輕全吳為邦得畿縣政密自計踈寧書下下考
不奉急急符用意簿領外築室課典謨平生五千
卷還舍不問塗近事更漢唐稍以詩自娛復作無
事飲醉卧擁青奴桃李春事繁軒窓晝景舒鳴屋
鳩渴雨窺簾燕哺雛休吏散篇帙風篁獻笙竽聽
然一啓齒斯民免為魚

絕句二首

里中餽杏得嘗新馬上逢花始見春勤苦著書如

後山集卷五
此吏世間枉是最閑人
密密丹房疊疊花一枝臨路為人斜丁寧語鳥傳
春意白下門東第幾家

春懷示鄰里

斷牆著雨蝸成字老屋無僧燕作家剩欲出門追
語笑却嫌歸鬢著塵沙風翻蛛網開三面雷動蜂
窠趁兩衙屢失南鄰春事約只今容有未開花

歸鴈

孤矢千夫志瀟湘萬里秋寧為寶箏柱肯作置書
郵遠道勤相喚羈懷誤作愁聊寬稻梁意寧復網
羅憂

其二

作計曾懷早為生去住頻固違陰嶺雪不盡洞庭
春巧作斜行字催歸去國人知時如有信決起亦
相親

和寇十一晚登白門

重門傑觀屹相望表裏山河自一方小市張燈歸
意動輕衫當戶晚風長孤臣白首逢新政遊子青
春見故鄉富貴本非吾輩事江湖安得更相忘

謝寇十一惠端硯

百工營材先利器市道居貨如作贅書生活計亦
酸寒斷塼半瓦寧求備端溪四山下龍淵鬱積中

州清淑氣金聲玉骨石為容。河江屈流雲作使。滑
如女膚色馬肝。夜半神光際天地。諸天散花百神
喜。知有聖人當出世。没人投深索。千丈探領適遭
龍伯睡。輾轡挽出萬人負。千歲之歲一朝致。琢為
時樣供翰墨。十襲包藏百金貴。北行萬里更衆目。
寇卿好事不計費。南鄰居士卿之孫。豐悴相從不
為異。似憐陶瓦磨竈煤。輟贈不減前人志。人言寒
士莫作事。鬼奪客偷天。破碎龜玉輶。匱與無同錦
衾。還客棄佳惠。衆所欲得當有緣。天獨於余可無
意。敢書細字注魚蟲。要傳華嚴八千偈。

再和寇十一

二首

南山樓觀挿穹蒼。林杪青燈出上方。形勝自如諸
老逝。功名隨盡二流長。馬游從昔哀吾老。王粲當
年賦異鄉。少日初心今淨盡。多生綺語未全忘。

其二

與世相遠孰自量。資身無策謾多方。逢場作戲真
呈拙。誤筆成蠅豈所長。名字不歸青史筆。形容終
老白雲鄉。何一作可須五斗輕千里。賴有斯人未肯
忘。

與寇趙約丁塘看花寇以疾不赴有詩次其
韻

早年學苦斷。過從晚歲逢。春意未窮欲。共无劉爭

著語不堪姚魏已隨風坐無上客席虛左贈有英
詞囊不空障日長須釣竿手歸來無計駐青驄

和寇十一同遊城南阻雨還登寺山

雨阻遊南步泥留逐北情稍看飛霧斷復作遠山
橫野潤膏新澤樓明納晚晴歸宜有佳思紗帽壓
香英

三月廿二日榴花成開戲作

五月榴花忽見春白頭喜遇一番新可能略不解
春意只有尋枝摘葉人

和寇十一雨後登樓

秀嶺歸雲裏華譙夕照中登臨初一作終不數吟笑

近多同麥秀知春力人和驗歲豐豫為避暑約一
快焚臺風

答寇十一惠朱櫻

故人憐一老輟食寄三山厚味非貧具先嘗愧客
閒甘酸俱可口衰白不宜顏句妙那能繼情深未
覺慳

雙櫻

並蒂隨宜好連心著一作解意紅只堪驚老眼持此
與誰同

謝趙生惠芍藥三首

郁郁芬芬十里焜紅紅白白數枝春要將結習惱

鷺子送與毗耶彼上人
從微至老走風塵喜見鄉園第四春
獨舞東風醉西子政緣無語却宜人
九十風光次第分天憐獨得殿殘春
一枝賸欲簪雙髻未有人間第一人

寄鄰

借子翩翩果下駒春原隨處小踟躕
可能多背春風裏卧把青銅摘頰鬚

寄寇十一

鄰里相望信不通時因得句寄忽忽
盡樓著燕春風裏楊柳藏鴉白下東
度日守窓驚節換經旬無

使覺門空錦囊佳麗鄰徐庾勝欲同
君賦惱公

和酬魏衍

闕然聲問略相同百里之間一水通
春興多多高紙價離懷一一逐歸鴻
不憂寒餓成吾老稍喜朝廷記此公
夢每見君心已了不因新句覺情東

觸目

果下翩翩跨紫騮踏花濺水見風流
可無雙壁千金聚付與狂兒取次遊

元符三年七月蒙恩復除棣學喜而成詩

老作諸候客貧為一飽謀折腰真耐辱
捧檄敢輕投早作千年調中懷萬斛愁
莫年隨手盡心事許

溟鷗

送姚先生歸宜山

鄭公龍變不容親，猶有先生不絕塵。鄭乃姚之師，姚亦不復見也。定力不為生死動，始知天地有閑人。

其一

老逢熙運乞前官，病遇先生得內丹。一飽有期吾事了，千年不死後人看。

其二

宇定心清面發丹，下床投杖覺輕安。此身已許壺丘子，他日爭尋靖長官。

上趙使君

老氣崢嶸蓋九州，治聲騰涌逐雙流。向來置醴蒙殊遇，此日彈寇愧少留。千里山連環故國，中秋月好傍黃樓。不應為未輕鄉里，定復還從馬少游。

送鄭祠部

持節還家未白頭，有親八十更何求。又隨急詔朝天去，不為寒鄉盡歲留。四耆儒冠甘送老，數經奇運得銷憂。擬登碣石臨朝日，浩蕩滄溟沒白鷗。

席上勸客酒

稍開襟抱使心寬，大放酒腸須盡乾。珠簾十里城南道，肯作當年小杜看。

後山先生集卷第五

後山先生集卷第六

詩

和寇十一同登寺山

已下任淵本十一夫

度暑無好懷，憑危略幽致。
 衣冠蔚如林，從我才一
 二。茲山昔深登，歲月誰得記。
 尚有名勝流，不與金石悴。
 孰知千載後，我與子復至。
 烟昏倏見燈，洪發疑一作恐無地領略。
 章句手割據，英雄志興壞。
 容一瞬，今昔當幾喟。
 園山缺西北，放目不可制。
 歸懷納清境，夜榻成良寐。
 零落壁間詩，豈特彼所愧。
 會逢南過適，不問西來意。

謝孫奉職惠胡德墨

奚李風流盡法傳外諸孫常山陳瞻子懷抱自高
擗孰云勝潘翁惟眉山公言四海未盡識一變歸
九原胡郎少年子外家典刑存一點落髹漆重價
壓璵璠孫侯磊落人情義久益惇解囊贈玄圭孰
知師白猿我資不解書下筆輒自暖良寶不受辱
隱默面稱寬

登寺山

晴山堪著眼別意不勝秋小作三年別聊為五斗
謀要須乘下澤不待到壺頭預恐登臨處長思馬
少游

答寄魏衍

往昔數朋好猶能作報書老衰渾得懶踈密略相
如名墮網中蝶身隨冰底一作魚填門車馬客左
席為君虛

拱翠堂

蕭邑富人寶敦禮即永山作
此堂規制宏麗無各作記

千年茅竹蔽幽竒一日堂成四海知便有文公來
作記尚須我輩與題詩至人但有經行處寶蓋仍
存朽老枝能事向來非促迫經年安得便嫌遲

贈田從先

衣冠魯國動成羣憂患相從只有君落筆如流寧
蹈襲行前應敵却紛紜愧非伏老成和伯喜有侯
芭守子雲意氣有餘功用少相望千里定能勤

別鄉舊

數有中年別，寬為滿歲期。得無魚口厄，聊復鴈門
蹄。齒脫心猶壯，秋清意自悲。平時生一作郡文學，鄧
禹得三為。

和李使君九日登戲馬臺

登高能賦屬吾儕，不用傳杯擊鉢催。九日風光堪
落帽，中年懷抱更登臺。江山信美因人勝，萸菊逢
辰滿意開。二謝風流今復見，千年留句待公來。
與魏衍寇國寶田從先二姪分韻得坐字
將老蒙誤恩，受弔不受賀。欲起尚遲回，積閑習成
墮。向來二三子，相與守寒餓。一日不可無三歲安

得過是時秋，益高夜永月初墮。漏鼓已再更，坐者
餘幾箇。酒薄多可強，談勝堅莫破。簷昏讀字細，林
缺瞻星大。吳吟未至慢，楚語不假些。懷遠已餐歎，
論昔先急唾。身世喜相違，真成螳旋磨。平生陳孟
公，歲晚不驚坐。

和黃生出遊三首

右坊左里遠相求，東度南登稱意遊。已著連峯妨
目極，不應疾雨使心休。

諸郎聯璧萬人看，新有詩聲伯仲間。作意登臨還
得句，此生寧復要長閑。
賸欲登臨強作歡，衣冠未動意先關。從今泉石非

吾輩只借君詩細細看

盤馬山

山頂數丈無草木相傳漢祖盤馬於此

耕桑戰伐飽曾經廟毀村荒不乞靈尚有君王盤馬迹至今草木不能青

爛石村

亂石何年爛千林昨夜黃曉耕來鳥雀麥壠縱牛羊
接老須微祿持身闕寸長洗心聞吉語時事信難量

別叔父崑山丞

父子無知己扶藜共白頭又為千里別未使寸心休
鳥雀空庭曉風霜落木秋近親零落盡更覺別

離愁

從寇生求茶庫紙

南朝官紙女兒膚玉版雲英比不如乞與此翁元不稱他年留待大蘇書

黃樓

樓上當當徹夜聲與人何事有枯榮已傳紙貴咸陽市更恐書留後世名

酬顏生惠茶庫紙

破卯剥膜肌理滑削玉作版光氣熏老子尚堪哦
七字阿買頗能書八分

黃樓

樓以風流勝情緣貴賤移屏亡老畢篆市發大蘇
碑更覺江山好難忘父老思只應千載後覽古勝
當時

答黃生

魏衍注云時初冬尚無冬衣先生以背子贈之堅不受到家以朱氏所贖

二正寄之
因作詩

我無置錫君立壁春黍作糜甘勝蜜綈袍不受故
人意藥餌肯為兒輩屈割白鷺股何足難食鷓鴣
肉未為失暮年五斗得千里有愧寒簷背朝日

寒夜

閉戶風將雨通宵浪打頭若為中夜聽復作別時
愁宿鴈鳴漁火村春急暗投不應田二頃能使寸

心休

贈周秀才

與君世好自比鄰

宣古與大父外大父游居其孫也

豐悴相從久

更親急棹

一作駕

小舟來取別固知風味似前人

其二

早逢異人得異術究窮咎休出頃刻相逢拍手問

由来怪我今年有陰德

魏衍注云周嘗謂先生命未甚合故有陰德之語

五子相送至湖陵

中年患別多作別早日諱窮常得窮勿云一水四
十里衣冠寒郭何人同周生子病輟身出劉子遠
來今幾日石家仲叔好少年頗能厭俗從吾律魏

君不獨相從。早自君之來。吾却掃。歲月磨人孰能
久。反覆看渠難得好。湖陵古城風日寒。情義乃知
生別難。高懷已為故人盡。交道應留後代看。

湖陵與劉生別

觸寒歷險來特特。愧無以當欣有得。向來憂患不
相捨。知子用心堅。鐵石人畏有心事。無難此語雖
鄙理。則然君今意在翰墨間。他日人爭讓一先。

寄滕縣李奉議

滕大夫伯陽。父孫烹小鮮。治大國原一得。何用五
千言。弛災決獄人不寬。盛氣走訟畏討論。終歲歛
吏不到門。子弟無賴皆西奔。踵門父老如雲屯。拊

髀跳跟走兒孫。絳幡翠節歌嘖喧。畫盆戴頂烟如
焚。繡標綵軸箱帕繁。曲躬叉手前致言。畜眼未見
耳不聞。暮年何以答此恩。請誦華嚴壽我君。

住鴈

斷岸通橫水。枯荷著早霜。一陂堪度歲。數鴈不成
行。市遠無矰繳。年豐足稻粱。中原有佳氣。不必到
衡陽。

寓目

曲曲河回復。青青草接連。去帆風力滿。來鴈一聲
先。野曠低歸鳥。江平進晚牽。望鄉從此始。留眼未
須穿。

野望

霜葉紅於染。吹花落更馨。平江行詰曲。小徑夾葱
青。度鳥開愁眼。遙山入畫屏。畏人惟可飲。從俗却
須醒。

寄單州呂侍講

希哲

往時三呂共脩途。擬上青雲近玉除。中道勒回奔
電足。今年還直邇英廬。縱談尚記華巖夜。枉道難
隨刺史車。遣興寬為七字語。尋人聊代一行書。
逢一作人

寄沛縣姜承議

姜乃潛之孫。以捕寇改官。預作隱居。自號金城居士。

平生魯國老先生。晚見諸郎識老成。怪有武功蒙

寵錫。果緣陰德貫神明。金池已作歸田計。玉版方
書濟物情。百里飢寒獨顏闔。顏闔。魏術。謂忍令一物不
敷榮。

寄兗州張龍圖文潛

去國遭前政。還家未白頭。百年當晚遇。一辱獨先
收。齒脫空餘舌。顏衰早著秋。三為郡文學。大勝鄧
先侯。

其二

賸喜開三面。旋聞乞一州。力難隨鳥翼。行復立螭
頭。今日麒麟閣。當年鸚鵡洲。寄書愁不達。書達得
無愁。

家山晚立

遶舍苔衣積，倚牆梨頰紅。地平宜落日，野曠自多風。禹迹千年後，家山一顧中。未休嗤土偶，已復逐飄蓬。

寒夜

一夜風澎浪，中霄月脫雲。到窻貧少睡，遠響倦多聞。星火遠相亂，江山氣不分。早雞先得便，斷鴈屢鳴羣。

鴈二絕句

來往遠寒暑，飛鳴在稻梁。未知溟海大，不肯過衡陽。

其二

截水無留影，哀空有斷羣。翅開先作字，行斷不成文。

山口

重霧真成雨，疎簾不隔風。青林擁紅樹，家鷺雜賓鴻。漁屋渾環水，晴湖半落東。往來成一老，猶在半塗中。

晚泊

清切臨風笛，深明隔水燈。堆場穿鳥雀，暗溜入溝塍。年使一作策倚扶行老，船催趁渡僧。茲遊恐未已，著句續先曾。

夜雨

十月天猶雨暖一作三更月失明
溟濛才灑潤點滴不成聲
闔戶風煙入投林鳥雀輕
旅懷終易感倏起別離情

宿合清口

風葉初疑雨晴窻誤作明
穿林出去鳥舉棹有來聲
深渚魚猶得寒沙鴈自驚
卧家還就道自計豈蒼生

宿泊口

弱柳經寒色懸流盡夜聲
更長且睡少霜落怯寒生
急急占星度搖搖苦舫傾
風濤兼盜賊恩重覺

身輕

野望

山開兩岸柳水遶數家村
地勢傾崖口風濤噉石根
平林霜著色沙岸水留痕
賸寄還鄉泣難招去國魂

宿柴城

卧埋塵葉走風烟齒豁頭童不計年
起倒不供聊應俗高低莫可只隨緣
通通遠鼓三行夜隱隱平湖四接天
枕底濤波篷上雨故將羈旅一作到愁邊

額市阻風

水到西流闊，風從北極來。聲驅峽口壻，力拔嶺根摧。突兀重重浪，轟轟處處雷。順流看過舫，更著快帆催。

其二

萬古梁山泊，今年未稱船。阻風無著雪，費日亦忘年。世事元相忤，衰懷忍自煎。晚來聲更惡，始覺畏途邊。

晚坐

柳弱留春色，梅寒讓雪花。溪明數積石，月過戀平沙。病減還增藥，年侵却累家。後歸栖未定，不但只昏鴉。

寒夜

留滯常思動，艱虞却悔來。寒燈挑不焰，殘火撥成灰。凍水滴還歇，風簾掩復開。孰知文有忌，情至自生哀。

絕句

雲海冥冥日向西，春風欲動意猶微。魏衍云丙藁塗二字未注 鴛鴦相背飛。王子飛云趙誠伯本作欲微無端一棹歸舟疾驚起動一云春風著意力猶微

禮武臺坐化僧

時呂希哲作單州寧臺屬單州

至人本無心，起滅因衆緣。化盡悲願在，留形此臺巔。聞名與致敬，獲福皆無前。千年一鉢水，宿疾幾

人痊驍雄兗州軍馬步餘數千一呼可摧山四合
如垂天老幼十八村頃刻理無全哀鳴寄香火毀
塔投其塼盛怒忽驚奔如有所見然等觀同一子
豈時此所憐我来已再見童稚亦虔虔發火觸暗
室青燈已娟妍始讀壁間碑妙力隱不傳頗恨語
未工安得筆如椽歸路雲月黑濤波隔長川溪翁
停舟待相喚聲相連解纜風泊岸中流水入船歌
側脚不停竟脫蛟魚涎興壞如有待適當使君賢
定能選妙士拂塵起重煙昔承靈山囑早契少林
禪巧我一片石併刻維摩篇

晚興

去國猶能別逢人始欲愁不平遮極目自是怯回
頭布網收魚摻連筒下釣鉤誰初教鮮食澤竭未
能休

宿齊河

燭暗人初寂寒生夜向深潛魚聚沙窟墜鳥滑霜
林稍作他方計初回萬里心還家只有夢更著曉
寒侵

別劉郎

魏衍注云宣叢之壻六年之別
先生喪母劉喪父故其詩哀甚

一別已六載相逢有餘哀公私兩多事災病百相
催無酒與君別有懷向誰開深知百里遠肯為老
夫来

趙巖

一市萬人聚四衝千里遙胡然不作邑兼自可成
橋羣盜去無迹諸豪壓不驕由來天下事浮議易
傾搖

雞籠鎮

人棣州界

河市新經集雞籠舊得名初聞北人語意作故鄉
聲客久艱難極情忘去就輕空虛仍廢忘何以慰
諸生

除官

秘書省已下任潤本十二卷

扶老趨巖召徐行及聖時端能幾字正敢恨十年
遲肯著金根謬寧辭乳媪譏向來憂畏斷不盡鹿

卷十二終

門期

題王平甫帖

早聞英氣擅家聲晚得諸郎識老成可恨治朝無
此老却嫌晚進不同生足知落筆千言疾尚想揮
毫一坐傾未信招人窮五字二難還復以詩鳴

和李文叔退朝

朝流駭汗蒸雙視風捲屯雲散萬蹄任使輕衫污
嬌色可令纖手洗春泥

和謝公定雨行逢賣花

逢花駐馬尚多情天不違人旋作晴不使近詩增
紙價得知春入鳳凰城

酬王立之二首

頓有亭前玉色梅，情知不肯破寒開。似憐憔悴兩

公指蘇客，獨倚東風遣信來。

重梅雙杏巧相將，不為遊人只自芳。應怪詩翁非
老手，相逢不作舊時香。

送謝朝請赴蘇幕

好合同黃卷，情親須一作白頭胡然落丹墨。不坐

致公侯，沙軟留徐步。魏本作山合遮西潮回趣急

流，平生湖海興。日夜逐行舟。

和謝公定觀祕閣文與可枯木

斯人不復有，累世或可期。每於丹青裏，一見如平

時。壞障塵得入，慘淡令人悲。墨色落欲盡，巖顏終

不移。朽老莫使年石心，烏銅皮念此猶少作。未盡

冰霰姿，北枝把異鵲。意定了不疑，惜哉不得語。曾

次幾興衰，一為要貴役。可復愧一作畫師隱奧，雖

可惜塗抹復見遺。謝侯名家子，感慨形苦詞。豈惟

語盡工，勁特頗似之。何當補諫列，一吐曾中竒。

和饒節詠周昉畫李白真

君不見，浣花老翁醉騎驢。熊兒捉轡驥子扶，金華

仙伯哦七字好事，不復千金模青蓮居士亦其亞。

斗酒百篇天所借，英姿秀骨尚可似。逸氣高懷那

得畫，周郎韻勝筆有神。解衣槃礴未必真，一朝寫

此英妙質似悔只識如花人醉色欲盡玉色起分
明尚帶金井水烏紗白苧真天人不用更著山巖
裏平生潦倒飽丘園禁省不識將軍尊袖手猶懷
脫靴氣豈是從來骨相屯仰視雲空鴻鵠舉眼前
紛紛那得顧是非榮辱不到處一作正恐朝來有
新句勿言身後不要名尚得吳侯費百金江西勝
士與長吟後來不憂身陸沈

謝王立之送花

過雨生泥風作塵馬蹄聲裏度芳辰城南居士風
流在時送一作時遣一作猶遣名花與報春

和參寥明發見隣家花二首

短牆春色過隣家行不逢人只見花新綠葱葱紅
藪藪却成粧面映青紗
滿城桃李一番新深院繁枝別得春從此詩翁有
新語不須紅濕少城闈

和張奉議贈舅氏龐大夫

朝下公門不曳裾身寬心遠等林居傳家聲烈三
公後貯腹平生萬卷餘藤架倚春聽語鳥石池迎
日數遊魚人言酷似牢之舅未有新詩錦不如

和舅氏公退言懷

追陪強韻愧難過應接前聞覺未多盛禮每虛摩
詰席舊詞猶可雪兒歌手開新徑延徐步眼趣高

梧上碧蘿風雨入懷泥滿眼時須好語滌煩疴

欽聖憲肅皇后挽詞

二妃端協帝三后共興周決策天同力收功語不
流權宜從殺禮未命尚深憂鬱鬱佳城閉終天配
壽丘

其二

復辟先元約長年損積憂春移栢城仗仙去帝鄉
遊德並塗莘敏功臨馬鄧優千秋修故事車馬戒
如流

欽慈皇后挽詞

二桃從孝祀五典載虞嬪顯號追先志陰功見後

八承顏親不待罔極痛如新未有如椽筆光容可
得陳

其二

靈岳占佳氣琳宮閱寶衣膺期一作符寶膺錫號
煥皇扉日月堯同數謳歌啓興歸傷心五雲去不
見六龍飛

大行皇太后挽詞

德名三后並母道兩朝尊勇決高千古危疑定一
言先期還政事隆禮改山園哀挽西郊道雲愁晝
亦昏

其二

扶日行黃道，乘雲上紫微。憂勞形未命，恭儉見陳衣。布德開刑網，和戎戢武威。要知懷惠處，行路涕交揮。

追尊皇太后挽詞

欽慈

彤管書陰教，黃圖載德容。漢宮先夢日，代邸近乘龍。喬岳藏遺服，青門啓故封。從今祠百世，清廟配商宗。

其二

典冊尊徽號，欽慈煥德名。終身聞舜慕，歷月見堯生。兵衛嚴天仗，車輿轉帝城。故匱脂澤在，哀感倍皇情。

王察院挽詞

施報終何在，窮通共一空。兩言成益友，百代仰高風。終始無遺恨，恩榮託至公。不應理直氣，會見吐長虹。

其二

良貴官何與，長年死不亡。身瀆禦魑魅，氣已懾豺狼。不盡曾中蘊，猶堪地下郎。豈惟吾道慶，編簡亦輝光。

贈吳氏兄弟三首

一長未可衆人師，萬里元隨八馬蹄。不解征西諸子弟，却憐野鷺厭家雞。

才隨年盡不重奇每愧諸郎索近詩旋作七言供
一笑自癡那得使人癡
得失媿妍只自知略容千載有心期恨君不見金
華伯何處如今更有詩

和吳子副智海齋集

法筵應供賴三車堆案抽身輟筭沙破一作暑好
風開樂國脫塵新句散餘霞僧奩手汗空留迹佛
几堆紅拂委花客舍黃梁應未熟且容秋蝶夢南
華

舅氏新齋

堂因竹栢有花與歲時闌欲作終年計長留別眼

看色侵杯酒重子熟落聲乾只有林園主相期耐
歲寒

上晁主客

時與無答對酒及
門而問者辭焉

兩疏父子共含香不獨家榮國有光賸欲展懷因
問疾孰知相對只銜觴年侵身要無人健節近花
須滿意黃從昔竹林須小阮只今未可棄山王
和鮮于大受崇仙觀餞別曾元忠

此別未為遠兩都東西州情親有乖隔江湖成阻
脩脫塵度翠密徐行當尋幽各有惜別懷共此一
日留意合豈待約酒盡不更求闕詞固未可忍手
亦何猶是日坐有黃冠師未解逍遙遊興來我與

共醉罷君當休僧房火可親此樂行且謀萬事日
糾紛高懷既一丘

答王立之

每逢無可語暫阻即相求解卷初增氣開懷得寫
憂昏煙宜帶雨風樹更添秋絕唱猶多和先衰怯

却一作後酬

和過田承君

寺古專宜僻居深自作幽興來寧憚遠句苦不緣
愁逸氣無前足虛懷不繫舟逢入難晤語冒雨亦
相求

贈石先生

多方作計老如期百疾交攻遽得衰晚有勝緣逢
異士生須快意闕前知迫人鬢領紛紛白臨事迴
迂種種遲分我刀圭容不死他年鶴馭得追隨

送晁無咎出守蒲中

一麾出守自多奇四十專城古亦稀解榻坐談無
我輩鋪筵踏舞欠崔微的挑作劇聊同俗遇事當
前莫後幾聖世急才常患少

神宗景德筆日治世
常患難得人才

御

羊篩酒待公歸

題明發高軒過園

滕王蛺蝶江都馬一紙千金不當價異才天縱非
力能窮一作畫五不是甘為下今代風流數大年舍

毫落筆開山川忽忘朽老壓塵底却怪鳧鴻墮目
前爾來八三復秀出萬古河山才咫尺眼前安得
有突兀復似天地初開闢明窓寫出高軒過便逐
愈湜聞吟哦晚知書畫真有益却悔歲月來無多
官禁脩巖斷過訪時於僻寺逢稅鞅秀潤如行琮
璧間清明似引星辰上憂悲愉佚百不平河擘不
華東南傾平生秀句寰區滿掇拾餘棄成丹青平
湖遠嶺開精神斗覺文字生清新未許二豪今角
立要知旁有衛夫人

送歐陽叔弼知蔡州

穎陰為別悔忽忽十載相望信不通晚遇聖朝收

放逸旋遭官禁限西東又為太守專淮右賸喜郎
君類若翁梅柳作新詩興動可令千里不同風

送晁堯民守徐

中年為別不堪憂東駿登門到白頭南省望郎仍
國士東方千騎更吾州彭翁老壽終遺骨燕子飛
來只故樓知己難逢身易老煩公置醴我歸休

送王定國通判河南

孤身十載客都城白社雙林諱姓名投館不為他
日計解衣真出故人情翹材必定延枚叟宣室終
須記賈生藋里歸來駿如漆了知句法更新清

後山先生

集卷第六

已上此六卷者別任測分測之所注之十二卷者也測本合部十二卷自冊已下之詩測之所注本不有之

觀
察
使

催促

